

## In Casteddu s'assemblea generali de Elen: de totu Europa po amparai is linguas minoritàrias



Su 6 e 7 de ladàmini sa prima borta s'Itàlia at a acasagai s'assemblea generale de Elen (European Language Equality Network) s'organizazione non governativa po s'amparu de is linguas minoritàrias chistionadas in Europa.

Casteddu po duas diis devenit sa capitali de is linguas minoritàrias europeas. Is delegaus de 174 organizatzionis in rapresentàntzia de 50 linguas faeddadas in 25 Istaos de s'Unioni europea s'ant a agatai in su Palatzu Règiu de su cabulogu sardu po s'assemblea generali annuali.

S'assemblea s'at a fai sàbadu 7 de mesi de ladàmini: su mangianu at a èssiri dedicata a is traballus in setziada plenària e at a èssiri aberta a su pùblichu. Su merici at a èssiri riservau a is delegaus e at a èssiri dedicau a is popostas e a is risolutzionis.

Sa punna de Elen, nàschia in su 2011 de s'unioni de diveris organizatzionis de amparu de is linguas regionalis e minoritàrias, comenti s'Eblul (European Bureau for Let-Used Languages) e Eurolang, est su de pomòviri, tutelai e avalorai is linguas prus pagu chistionadas in Europa. De sa nàscia sua Elen at crèsciu in meda is fainas suas po s'amparu de is políticas linguistica de s'Ue, Cuntzillu de Europa e Natzionis Unias compudendi totu is progetus de lei chi pertocant is linguas minoritàrias e intervenendi cun popostas e iniziativas suas.

Unu de is obietivus de Elen est sa ratifica, po manu de totu is istadus membrus de su Cuntzillu de Europa, de sa Carta europea de is linguas regionalis o minoritàrias (Ecrml), su documentu a amparu de is linguas no ufizialis intrau a vigori in su 1998 ma non ancora devènniu parti de sa legislatzioni natzionali italiana.

“Po s'assòtziu Babel est un'onori pòdiri acasagai s'Assemblea generali de Elen. At a èssiri una oportunidade manna po torrai a pentzai sa politica linguistica de s'isula Nostra in unu quadru politicu e sotziale europeu prus mannu. At a èssiri un'ocasioni de cunfrontu e atòbiu cun totu is minorias de su Continenti Betzu, unu modu po s'intènderi prus pagu solus e pogetai unu benidori comunu respetosu de totu is identidades e de is diferèntzias in unu quadru de unidadi e fraternidadi”, at nau Tore Cubeddu in rapresentàntzia de s'assòtziu Babel e de su Babel Film Fèstival.

S'eventu difatis s'at a fai paris cun su Babel Film Fèstival (2-7 ladàmini), manifestatzioni tzinematogràfica internatzionali lòmchia a sa de otu editzionis chi seletzionat is mègius film realizaus in is linguas minoritàrias de totu su mundu.

Duranti is diis de su fèstival at a èssiri fintzas presentau My Culture, unu pogetu chi ponit sa Sardigna in prima linia in sa valorizatzioni de is minorias linguísticas: si tratat de sa prima prataforma de Video On Demand destinada a is podutzionis multimedialis de is linguas minoritàrias e regionalis. Is. Unu pogetu svilupau totu in Sardigna dedicau a totu is comunidadi minoritàrias - chi sceti in Europa rapresentant prus de 50 millionis de tzitadinus – chi is podutziones a s'ispissu funt esclùdias dae sa distributzioni.